

A-33

~~95285~~


709

М. Н. Лебедев

Мед дзирдалас
ШОНДІ



Коси Госиздат
1949








М.Н. Лебедев

Мед дзирдалас

ШШОНДІ

СПИХОТВОРЕНИЕЯС
ДА БАСНЯЯС



56256
509

АБОНЕНТ

Республиканская библиотека

Коми АССР, г. Сыктывкар

КОМИ ГОСИЗДАТ
1949

БИБЛИОТЕКА
Респ. Краев. Музея
Коми АССР
город Сыктывкар

М. Н. ЛЕБЕДЕВ

ПУСТЬ ЖЕ СИЯЕТ
СОЛНЦЕ

Стихотворения и басни

На коми языке

КОМИ ГОСУДАРСТВЕННОЕ ИЗДАТЕЛЬСТВО

С ы к т ы в к а р

1949



Стихотворение

МЕД ДЗИРДАЛАС ШОНДИ

Мед дзирдалас шонди!
Мед югъялас луныс!
Мед дзоридзён тырас
Да нюмъялас му!
Мед шондилань быдён
Пыр восьлалас, мунас!
Мед шондиа туйсё
Оз вевттьыв съод ру!

Ми, уджалысь войтыр,
Зэв кыпыда олам.
Ми жугыля некор
Ог өшөдлөй ныр.
Көть кытчө ми мунам,
Москваё көть волам,
Збой котырөн повтөг
Ми ветлөдлам пыр.

Ас муын, ас гортын
Ми шудаось ставным.
Лёк гольлунлысь важон
Ми косялим вез.
Выль олём ми тэчам,
Кыз велодё Сталин,
Кыз вочас ас кадын
Став уджалысь йоз.

Ми уджалам зіля
И удж вылын ссылам.
Кор долыда овсьо,
Сэк кызди он сыв!
Быд карын, быд сиктын,
Быд пельосын кылё
Том войтырлөн ворсём
Да збой ссыланкыв.

Лёк врагысь ми видзам
Родимой странаос.
Советской быд сёлём
Отвагаон тыр.
Ми жугодім, вётлим
Фашистской ордаяс.
Европалы вайим
Свобода и мир.

Мед дзирдалас шонді!
Мед югьялас луныс!
Мед дзоридзон тырас
Да нюмьялас му!
Мед шонділань быдон
Пыр восьлалас, мунас!
Мед шондіа туйсё
Оз вевттыв сьод ру!

ТАЛУН НЕКОДЛӨН ОЗ ВУН...

(Сталин ёртлы 60 арёс тырём кузя)

Көть и усьё еджыд лым,
Көть и төвся кёдзыд суё,
Шонтё лолёс дона ним,
Сьёлём радейтёмөн пуё,
Кремльё лэбзьё, чолём нуё...
Талун некодлөн оз вун
Сталин ёртлөн чужан лун!

Сиам сылы ми кузь нэм,
Сиам сылы помтём олём!
Совет муын быдтор эм,
Уджалам ми кыпыд лолөн,
Важмос гольлунысь ог полё...
Талун некодлөн оз вун
Сталин ёртлөн чужан лун!

Сійё югыд шонді моз
Ставсё шонтё, быдтё, видзё.
Сійё кыпёдіс колхоз—
Сылөн уджыс муно сідзи,
Мудрой Ленин индіс кыззи...
Талун некодлөн оз вун
Сталин ёртлөн чужан лун!

Гыё вольной мулөн эрд!
Завод, фабрикаяс вочам,
Перьям зарни, эзысь, көрт,

Лыдтөг, помтөг няньсө кӱдзам.
Ӧтув озырлунсӧ тэчам...
Талун некодлӧн оз вун
Сталин ёртлӧн чужан лун!

Пемыдлунӧн вӧлі тыр
Коркӧ цардырся Россия.
Ӧні ми — культурной мир,
Сюсьӧсь вежӧрьясным мян,
Школаясын мян пиян...
Талун некодлӧн оз вун
Сталин ёртлӧн чужан лун!

Сиктыс сьылӧ, юргӧ кар.
Вождьӧс чолӧмалӧм кылӧ.
Кӧть тэ кытшовтан му шар,
Он кыв татшӧм гажа сьылӧм,
Татшӧм долыд олӧм-вылӧм...
Талун некодлӧн оз вун
Сталин ёртлӧн чужан лун!

МОГУЧОЙ СӨВЕТСКОЙ СОЮЗ

Ленинскöй стяг улын уна победа
Комын во чöжөн пыр перйылим ми.
Онi став мирыс и аддзö, и тöдö,
Кутшöм ён вына свободадöн пи.

Сöвет му пасьтала лун и вой пуö
Отувъя овмöсöс кыпöдан труд.
Вынйöра войтырлөн ытва моз туö
Озырлун, долыдлун, збойлун да шуд.

Мед океан сайын эргöм шы кылö,
Мед война öзтысьяс увгöны сэн.
Огöй ми видзöдö эргысьяс вылö.
Некод могучöй народöс оз вен.

Озырлы озырлун вайö войнаыс,
Сы вöсна найö и лэчтöны гыж.
Огöй ми тiрзёй, ог полöй ми наысь,
Мый кöть и дасьтöны найö выль тыш.

Миянкöд отув вель уна держава,
Миянкöд отув славянскöй став йöз.
Весьшöрö Черчилльяс гусьөн и явö
Миянöс кыйны пыр кыöны вез.

Сталинлөн мудрöй учение кöни,
Сэни свободадöн шондi оз кус.
Дзирдалан славаөн тырöма миян
Вына, могучöй Сöветскöй Союз!

ЗАРНИ МОСКВА

Кор Москва йылысь сьыланкыв сьылам,
Сталин ёрт йылысь сьылам сэк ми.
Эзысь борд вылын качодчы вылө,
Миян песня, кызд збой соколпи!
Видза ов, миян славной столица,
Миян зарни Москва, миян мам!
Тэ могучой, тэ кыпыд, тэ мича,
Тэнад славаыд некор оз ям!

Кремльлөн кодзувъяс öзйöны биён
Рöднöй му весьтын дзирдалигтыр.
Кремльлысь мичлунсö аддзам ми мыйён,
Кыпыд радлунён чепöсйö вир.
Видза ов, миян славной столица,
Миян зарни Москва, миян мам!
Тэ могучой, тэ кыпыд, тэ мича,
Тэнад славаыд некор оз ям!

Овліс, уджавліс татöні Ленин,
Некор куслытöм шонді кодь морт.
Тан советскöй народъяслөн гений,
Миян вождь, миян друг Сталин ёрт.
Видза ов миян славной столица,
Миян зарни Москва, миян мам!
Тэ могучой, тэ кыпыд, тэ мича,
Тэнад славаыд некор оз ям!

Уна нэм нин тэ, донаой, олін,
А пыр быдман, пыр ёнман, пыр том,
Супостат водзын пикö эн волы,
Супостатлы пыр вöчлнн тэ пом.
Видза ов, мян славной столица,
Мян зарни Москва, мян мам!
Тэ могучой, тэ кыпид, тэ мича,
Тэнад славайд некор оз ям!

1949

СЛАВНӨЙ СТОЛИЦА

(Москваы 800 во тырём кузя)

Москва, Москва! Кор тайё кыв ми кылам,
Пыр öзйö мян сёлёмъясын би.
Москва, Москва, пыр тэ йылысь ми ссылам
И радейтам, кыз мамöс, тэнö ми.

Ми быдөн тәнсьыд төдам ыджыд арлыд,
Но пöрысьөн тэ некодыр он ло.
Пöсь чолём тэныд, славнөй юбилярлы,—
Ов, зарни карöй, лыдтём уна во!

Тэ пыр зэв том, пыр кыпыд лодён олан,
Пыр дзоридзалан, кыззи тувсов сад.
Эн төдлыв тэ пез врагъяс водзын полём,
Кыз битва дырйи доблестнөй салдат.

Пыр важсьыд ёнджык петлн тышлөн биысь.
Лёк воясö эн шогö некор усь.
Тэ аслад багатырскöй властнөй киён
Ас гөгөр котыртн великöй Русь.

Москва, Москва! Кор тайё кывсö кылö
Сöветскöй вöльнөй мулөн вöльнөй морг,
Медводдза думыс, мөвпыс сэки сёлөн:
„Öд Кремльын олö мудрöй Сталин ёрт!“

Москва, тэ ассьыд зарни югөр коян
Став му пасьта и ваян йöзлы шуд.

Москва, отвага сетлывлін тэ бойын,
А ёні вдохновляйтан мирной труд.

Москва, Москва, тэ шонді кодь жё мича, —
Кён, кутшом муын тэ кодь карыс эм?
Вай ов жё, славной сталинской столица,
Да дзоридзав зэв уна, уна нэм!

1947

СТАЛИНГРАД

Волга дорын юрсö лэптис
Сталинград крут берег вылын.
Кутшöм кыпуд сылөн баныс,
Кутшöм мича нимыс сылөн!

Мыйла öшйис сэн съöd кымөр?
Мыйла пемдис Волга ваыс?
Тайö сы вöсна, мый воис
Сэтчö Гитлерлөн ордаыс.

Пансис грозной поединок
Волга ю дорын кык вынлөн—
Дикöй, вир юысь ордалөн
Да сöветскöй исполинлөн.

Лун и вой оз лöньлы битва,
Оз и ланьтлы канонада.
Зильö полчище фашистскöй
Овладейтны Сталинградөн.

Гымалöны лыдтöм пушка,
Миномётъяс, пулемётъяс,
Помся шыблалöны бомба
Гитлеровскöй самолётъяс.

Вывсянь, увсянь биыс резö,
Уна керка киссьö карас,

Равзігтырйи людоедьяс
Штурмөн уськөдчисны яра.

Славной кар оз сетчы враглы,
Красной флаг пыр шпорго
вылы.

Повтом съолома да ёнось
Храброй дорйысьясыс сылон.

Дзоль квайт толысь бойлон гымыс
Сыркодіс карбердса мусо,
Бийон, тшынон сийос вевтгис,
Гызьодліс и Волга юсо.

Ыджыд доблесть да геройство
Петкодліс боец советской.
Воштіс водзо мунап одсо
Розбой чукор людоедской.

Мыйла морос выло ошйис
Паулюслон порысь юрыс?
Нином чайттог став орданас
Стальной кытшо сийо сюрис.

Чирсіс зверос красной воин,
Уна дас сюрс босьтіс плено,
Мездіс карос—и Берлинлань
Модіс чорыд наступление.

Слава тэныд, кар великой,
Сталинград непобедимой!
Слава тэныд, слава, слава,
Красной Армия родимой!

ПОБЕДА ЛУН

Победа лун! Тэ, быттьö зарни шонді,
Чудеснöй дзирдөн югдöдін став мир.
И друг и недруг сэки тöдны пондіс;
Мый некор миян эбöслун оз быр.

Ми повтöг пырлім схваткаö и биö,
Оз вунöд тайöс вероломнöй враг.
И тайö лунö асланым ён киён
Ми кыпöдін победнöй алöй стяг.

Победа лун! Тэ сэтшöм югьд, мича,
Тэ миян всенароднöй торжество.
Ас Рöдинаöс, мамöс моз, ми видзам,
Кыз видзим сійöс уна, уна во.

Оз куслы миян Армиялөн слава,
Му пасьтала пыр юргö сылөн гор.
Мед олас миян доблестнöй держава,
Мед олас миян мудрöй Сталин ёрт!

1946

ГЕРОЙЛӨН ГОРТӨ ВОӨМ

Помасис медбөрья бой.

Гымалө победа.

Славнөй воин, том герой,

Полкысь гортө мөдө.

Тышьяс дырйи сийө пыр

Вөлі повтөм мортөн.

Морөс вылас, дзирдөн тыр,

Кык медаль да орден.

Со и паськыд Коми му

Син водзас нин сылөн.

Лөня шывгө Эжва ю,

Вөрлөн шыыс кылө.

Со и рөднөй сиктыс, со!

Том геройлы долыд.

Аслас гортө куим во

Сийө өд эз волы.

Кутлө сийөс пөрысь бать,

Мам да дедө Петыр.

Кутлө, радлө синисады

Даша, муса гөтыр.

Шувс батыс: „Венід ті

Лютөй супостатөс.

Чолөмалам тэнө ми —

Сталинскөй салдатөс!

Тані ми, колхознөй мир,

Вермөмөн жө петім.

Краснөй Армиялы пыр

Ыджыд отсөг сетім!“

Воча шуис том герой:
„Та йылысь ме тӧда.
Став народкӧд лун и вой
Дорим ми победа.
Они бара мирной труд
Совет муын пуӧ.
Они бара мян шуд
Тувсов ва моз туӧ!“
Том геройлы долыд зэв,
Родной гортын гажа.
Сийӧс окалӧ сӧпӧв
Муса гӧтыр Даша.

1946

МИРНОЙ ТРУД

Ми вольной муын олам,
Советской дружной йоз.
Ми пикö эгö волöй,
Кор кыптылис ён грöз.

95295
Фашистьяслы ён киён
Ми вöчим чорыд суд.
А öни пуö мян
Зэв кыпыд мирной труд.

И гожöмын, и арын,
И тöлын, и кöть кор —
Быд сиктын и быд карын
Зиль уджлөн юргö гор.

Выль стройка кыптö, кайö,
Выль фабрика, завод, —
Пыр лэптö, лэптö найöс
Пöсь сьöлöма народ.

Ми быдтам быд колхозын
Обильной урожай.
Ён вынйöра да озыр
Советской мян край.

Победной знамя улын
Победной мирной труд
Пыр вайö рöдной мулы
И озырлун, и шуд.

ЛЕНИНГРАДЛЫ ВОЧАКЫВ

„Нель во чөжөн пятилетка
Тыртам!“ — шуис Ленинград.
Славной карыс абу отка,
Сы ног вочны быдөн рад.
Тайо мян сыланкыв —
Ленинградлы вочакыв.

„Тыртам, тыртам! — шуо збоя
Бодрой войвывса шахтёр —
Изшом перьям вына сойон,
Некор мян план оз ор“.
Тайо мян сыланкыв —
Ленинградлы вочакыв.

„Тыртам, тыртам! — клятва сето
Ухта вывса нефтяник. —
Вочам сидз, мед мян пето
Оти норма пыдди кык“.
Тайо мян сыланкыв —
Ленинградлы вочакыв.

„Тыртам, тыртам! — вöрын кылö
Вөрлэдзысьлөн пила-чер. —
Мододам выль стройка вылö
Мильон лыдөн мича кер“.
Тайо мян сыланкыв —
Ленинградлы вочакыв.

Шуда йӧзлӧн уджыс пуӧ,
Мудз оз тӧдлы сылӧн ки.
Пятилетка коми муын
Нӧль во чӧжӧн тыртам ми!
Тайӧ миян сьыланкыв —
Ленинградлы вочакыв.

1947

ПЕРВОМАЙСКӨЙ

Тувсов шондi дзирдсö койö,
Югыд сылөн чужöмбан.
Тулыс восьлалö зэв збоя
Ссылiгтырйи сэн и тан.

Ваыс туö ёна, ёна.
Ойдiс ставнас Эжвасай.
Олан-вылан, миян дона,
Миян зарни Первомай!

Сиам став Сöветскöй мулы
Водзö восьлалöм да шуд.
Сиам, мед выль воом тулыс
Öддзöдас колхознöй труд.

Мед жö тракторист оз мудзлы,
Бура небзьöдас быд йöр.
Сиам кылöдчысьлы-друглы
Нуны местаöдз став вöр.

Нефтяниклы да шахтёрлы
Выль победа сиам ми.
Сиам, уджным мед оз орлы
Мед оз мудзлы миян ки.

Сиам муяс выльсь таво
Босьтны озыр урожай.
Биа чолöм, честь и слава
Тэныд, зарни Первомай!

КОМИ МУЫН

Коми войтырлөн пыр
Ыджыд шоглунён тыр
Вөлі важдырся воясö олём.
Шудсö сійö эз төд,
Овліс тшыг нисьö пöt,
Но пыр думайтис: „Вермасьны колö!“

Мездлун вайис Октябрь,
Пуксис выль олан кад,
Шудсö аддзисны пармаса пиян.
Налы сетіс ён борд
Ыджыд сьөлöма морт —
Сталин — дзирдалан шондіным миян!

Кöні шувгис сьöd вөр,
Кöні ветлөдліс зверь,
Кöні ошъяслөн царствоыс вөлі,
Мунö сэт паровоз
Вöрсö юковтігмоз
Арын, тулысын, гожöмын, төлын.

Збоймис пармаса йöз.
Зумыд шагөн быд грезд
Югыд туй вылö кыпыда петіс.
Аддзис быдөнлөн син:
Ёнмис öтувъя вын,
Кодöс Сталин колхозъяслы сетіс!

А кор пансис война,
Кор Сöветскöй страна
Лёк фашистьяскөд битваö пырис,
Гызис став Коми му,
Кыдзи гызывлö ю,
Лютöй враг вылö лöглунöн тырис.

Сувтис йöз лыд ни тшöт,
Накөд комияс тшöтш,
Врагкөд чорыд тыш нуисны ставöн.
И победалöн лун
Некор миян оз вун.
Слава тэныд, Сöветскöй держава!

Миян дзирдалö шуд.
Миян труд, мирнöй труд
Пуö карын, и сиктын, и вöрын.
Кöни нинöм эз вöв,
Сэни кыпыда зэв
Быдмö фабри́к-за́вод парма шöрын.

Мудз оз төд вына ки.
Перъям, мөдöдам ми
Вöрсö, нефтьсö, изшомсö страналы.
Дыр эз кыпöдлы юр
Муын дзэбсьöм эмбур, —
Сийöс кыпöдис миянлы Сталин!

МИЯН СЫЛАНКЫВ

Тэ, сыланкыв, кыпӧдчы вылӧ,
Мед тэнад оз лӧнявлы гор,
Мед пыр тэнсьыд юргӧмтӧ кылӧ
Да сылӧ тшӧтш уджалысь морт.

И карын, и сиктын, и вӧрын,
И пашняс вылын быд лун
Ми уджнымӧс дружнӧя керам,
И сылӧмным миян оз вун.

Эг шогсылӧй ми, эгӧ полӧй,
Кор гымалис грознӧй война,
Ов кыпыда, кызди век олин,
Великӧй Сӧветскӧй страна!

Тэ лолалан венлытӧм вынӧн,
Кызд гыалан мореясыв.
Оз лӧнь миян уджаланинын
Лов гажӧдан збой сыланкыв.

Геройлысь ним уналы вайӧ
Отчизнаын доблестнӧй труд.
Ӧд быдӧнлӧн миян ас сайын
Награда и слава, и шуд.

Ми сылам, и сьӧлӧмным сылӧ,
И водзӧ ми восьлалам пыр.
Ас рӧднӧй Сӧветскӧй му вылын
Ми стрӧитам югид, виль мир.

ВӨРЛЭДЗЫСЬ

Көть төв, көть гожом, лунысь-луно, ↙
Көть усьо лым, көть шливгө зэр,
Вөрлэдзысь, некор тэ он вунёд,
Мый колө Рөдиналы вөр.

Тэ ассыд мотгө бура төдан
И весьшөрө он вошты кад.
Быд асыв удж вылө тэ петан,
Кызд аслас пост вылө салдат.

Оз лөньлы электропилалөн
Да лэчyd черлөн кыпыд гор.
Пыр кылө музыкаыс налөн
И асывводз, и рытын сёр.

Веж ягті трактор кыскө вөрсө,
Вын сылөн ыджыд, ыджыд зэв.
И сылы отсасьомөн керсө
Тшөтш кыскалө колхозной вөв.

Вөрлэдзысь, уджалан тэ ёна.
Зиль мортөн тэнө кызд он шу!
Тэ сетан вель уна миллионөн
Страналы коз да пожом пу.

Ва восьом бөрын юяс вывті
Пыр шуньгө-кывтө кузь буксир.
И моль дзик оравлытөг кывтө,
Он төд, көн сылөн бөж и юр.

Көн вөчсьö кöрттуй, вөчсьö шахта,
Заводъяс стрöйтсьöны көн,
Вөрлэдзсь, тэнсьыд вөртö ягсянь
Быд здукин виччысьöны сэн.

Тэ мирнöй фронт вылын победа
Пыр доран, уджысь повтöм морт.
И Кремльын тэнсьыд трудтö тöдö
И ошкö тэнö Сталин ёрт.

1949

КОЛХОЗНӨЙ АСЫВ

Видзөд, кыдзи петө шондi,
Кыдзи ворсө дзирдыс сылөн,
Кыдзи сiйө кайны пондiс
Зарни шар моз вөр пу йылөд.

Пемыд вөрлөн югдiс баныс,
Нюмъялөны кыдзьяс, козьяс.
Жаворонок сьылөм панiс,
Оз нин лөня пукав позьяс.

Сиктыс садьмис. Йөзыс жуө,—
Дыр оз узыны гожея қадө!
Мөс видзысь со вөтлө, нуө
Лудланьө колхознөй стада.

Мөсьяс мөда-мөдысь бурөсь,
Шыльыд мышкуаөсь, пөтөсь.
Дерт, оз видзны кызисюрө
Отув картаясын скөтөс.

Со звено колхознөй мөдiс
Тэрыб шагөн муяс вылө.
Мича вежөдө том көдза,
Төвру улын кышакылө.

— Колө весавны став ёгсө!—
Тадзи сёрнитөны аньяс.—

Могмөдам кө тайё могсө,
Бура кыпөдчасны няньяс!

Со конюшня дорын зила
Доддялөны сизим вөлөс.
Жөдзө сәни конюх Пиля,
Кылө сылөн лэчыд гөлөс.

Вына войтырлы мый керны,
Рытсаянь индөма нин стөча.
Зэв на збоя колө вөрны,
Көть и помалөма көдза.

Со и кузнеча нин воссис.
Лөзов тшын нин сэтысь кайё.
Кузнеч Митрей дорны босьтсис,
Муса сылы уджыс тайё.

Сьёкыд мөлөт камгө гора,
Гримган шынас быттьё шуё:
— Пыр ме дора, өдийё дора,
Уджным мунё гажа шумөн!..

Со нель плөтник вына киён
Тшупөны вель ыджыд школа.
Арся кадыс воас мыйён,
Сәни велөдны нин колө.

Эштас школа, восьтас өдзөс,
Шуас: „Дона челядь, пырй!
Аддзад, кутшөма ме вөччи!“
Школа сәки гажөн тырө.

А со слесарь ывла вылын
Кык косилка дзоньтө-керө.

Страдна кадыс абу ылын,
Оз кӧ вештышт сійӧс зэрӧм.

Тошка дядьӧ вӧчӧ куран,
Лӧсьӧдалӧ чӧвтан вила.
Быдӧн олӧ югыд юрӧн,
Тӧдӧ ассъыс ыджыд сила.

Шонді ӧзйӧ зарни биӧн.
Гӧгӧр радлӧ ловзьӧм муыс.
Асывводзсянь гажа шыӧн
Бур колхозын уджыс пуӧ.

1949

КОМИ МУ

Коми му кузя ме муна.

Гөгөр сулалё съод вөр.

Вёрыс вывті-вывті уна,

Сысы унаыс оз тёр.

Аддза: сәні шыльыд пожом

Вылё ләптё ассыс юр.

Сылы откодъ төв коть гожом.

Сәтшом пуыс тайё бур.

Сәні быттьё пёрыс пёчө

Дзормом кыпөдчөма коз.

Сійё увьяс костын вөчө

Вёрса пөтка шоньд поз.

Сәні вашкөдчөны гора

Пипу чойкөд еджьд кьдз,

Мыйкө сёрнитөны нора,

Корнас шенасьөны сідз.

Сәні сус пу гөгрөс бока,

Сәні пелысь, сәні льөм.

Тані бадьяс вөсни кока

Вадор пөлөн уна эм.

Вёрыс помтөм. Туйыс көні?

Зонмө, яг пиад эн вош.

Аддза тані, аддза сәні

Ыджьд тапикасьө ош.

Ветлө көин, пиньсө йирө,

Корсьө аслыс кынөмпөт.

Наян ручыс гуө пырө,

Бурөн некодлы оз шед.

Кочыс дзебсьо лопъяс сайо,
Видзо ассьыс дона юр.

Одйо-одйо пуо кайо
Паськыд божа ичот ур.

Дозмор пувсо зия сейо,
Гогор жуо сьола, тар.

Тури кокнас нурсо лойо:

Абу муса сылы ар.

Аддза: пищальон, со, муно

Сьола кыйны коми морт,

Гортса олём сылон вуно,

Ыло кольома нин горт.

Туйтог отнас ветло сийо,

Ворын ниномысь оз пов,

Уна ворса потка кыйо,

Уна зверлысь босьто лов...

Муна водзо, муна ыло,

Оз и помась пемыд вор.

Конко гора сёрни кыло,

Бринго пила, кленго чер.

Аддза: сортовка кер лэдзо

Том и порысь коми йоз,

Мича шпалсо зия вочо,

Тэчо юяс доро пес.

Вола войтыр сәни жуо.

Трактор муркодчо лунтыр,

Кыксё керйон отпыр нуо

Гора шыон ветлигтыр.

Оз кыв сәни видчом, мургом,

Лёкысь городлом оз кыв,

Сомын уджалысылон юрго

Кыпыд, гажа сыланкыв...

Паськыд туй выло ме пета.

Аддза: вежсис туйлон сер,

Коть и важмоз шувго сәтон

Кыкнан бокас пемыд вөр!

Бөр и водз пыр ветлө сәні
Уна сё автомобиль,
Вөлөн мунысьясөс венө,
Быд лун локтө выльысь-выль...

Муна водзө... Тулыс воө.
Лымйыс сылө, киссьө зэр.
Көдзыд йисө шонді сёйө,
Ойдө уналаті вөр.

Ваын сулалөны пуяс.
Ваыс зеркала кодь лөнь.
Эжва, Сыктыв, коми юяс,
Бытьө паськыд эзысь вөнъ.

Аддза: трактор мусө гөрө.
Коми войтыр көдзө нянь.
Тувсов уджсө быдөн керө.
Жургөм тракторлөн оз ланьт.

Тайө трактор—абу дивө,
Абу дивө—паськыд йөр:
Йөзыс олө коллективөн,
Лөк пу гөрийөн оз нин гөр...

Бара водзө, водзө муна.
Гөгөр сулалө съөд вөр.
Вөрыс вывті-вывті уна,
Сыысь унаыс оз төр.

1918 (1940)

КЫЛӦДЧЫСЬЯС

Тувсов ваыс юӧ лӧччӧ.
Юыс ворсӧ, юыс ӧддзӧ,
Кывтӧ медбӧръя нин йи.
Лӧчыл багыръясӧн сӧтчӧ
Воим кылӧдчыны ми.

— Ноко, ёртъяс, удал пиян,
Босътсям уджӧ вына киӧн,—
Шуис миян бригадир.—
Вывтӧ ыджыд могным миян,
Оз позь нюжмасьны тан дыр!

— Ёртӧй, ми ог кольччӧй бӧрӧ,
Кыз эг кольччылӧй и вӧрын!—
Вочавидзим сылы сӧн.—
Сяммам багырӧн да черӧн
Вӧдитчыны ми кӧть кӧн!

Эз вӧв лӧжӧн тайӧ шуӧм.
Керьяс гӧгӧр уджным пуӧ
Лунысь лунӧ водз и сӧр.
Вӧрыс лӧччӧ гудыр юӧ,
Кылӧ сылӧн гримган гор.

Лӧдзӧм керйыс кывтӧ, муӧ.
Кужӧ сӧйӧс водзӧ нуны
Миян багыр, миян ки.
Тайӧ вӧрсӧ тувсов лунӧ
Запань дорӧ ваям ми.

Сән страналысь ошкӧм кылам
Сыысь, мый быд коми пилӧн
Ыджыд зильлуныс оз быр.
А ми вочавидзам сылы:
— Тадзи уджалам ми пыр!

1948

КЫВТӨ ВӨР

Гожся шонді улын лөня
Увлань шывгө Эжва ю.
Юас видзөдчөны сиктъяс,
Веж колхозной видз и му.

Эжва кузя молльон кывтө
Уна, уна мича кер.
Сійбс мөдөдө страналы
Миян томмөм коми вөр.

Лун и вой пыр водзө муно
Вөля вылө лэдзөм моль,
Куръя вомъясө оз суйсьы,
Лыя бөжъясын оз коль.

Лэчыд багыръяса войтыр
Туйсө индө сылы пыр.
Мудз оз төдны зільмөм ёртъяс,
Кыпыдлунөн сёлөм тыр.

Лыблө налөн гажа сыйлөм,
Кывлө шмонитана кыв:
„Ноко, ноко, зарни керйөй,
Лючкиджыка водзө кывт!“

Дона Рөдиналы сетны
Ассьыс вынсө быдөн рад,

Мед пыр дзоридзалас олѳм,
Кызди тувсов кадѳ сад.

Налѳн уджыс ключѳн пуѳ,
Эжва кузя кывтѳгчѳж.
Зѳля, зѳля дружной войтыр
Вѳтлѳ, весалѳ моль бѳж.

1947

ВИДЗ ВЫЛЫН

Шондыс дзирдало, пажо.
Енэжыс пасьтала лоз.
Идрало мичаон, вежон
Турунсо уджалысь йоз.

Видз вылын куртоны талун
Зэв уна баба да ныв.
Кыпыда удж муно налон,
Лэбало збой сьыланкыв.

Сьылони нывъяс, кызд пуис
Звермом фашистьяскод бой;
Кыз ена лыйсьомла муыс
Тиралис сэк лун и вой;

Кызд мян вын врагос венис,
Кыз сдайтчис мянлы враг;
Кыз Берлин босьтигон сэни
Гордоя шпоргис горд флаг.

Кызди великой победа
Дорис родной Сталин ерт.
Мый йылысь став мирыс тодо,
Тодо быд уджалысь морт...

Юр весьтын чикыш кай чивго,
Вор дорсянь кылышто кок.

Син водзын Эжва ю шлывгö,
Эзысь моз югъялö век.

Челядь сән купайтчö уна.
Жарыс сән найöс оз сот.
Ю кузя котöртö, мунö
Еджыд да збой пароход.

Мöд пароход гышкö, ызгö
Вашöрсö поткöдигмоз.
Увланьö пур сийö кыскö
Öтпырйөн дзонь куим гоз.

Кыліс гудок кустьяс сайын,
Дыр сылөн шыыс өз лөнъ.
Электростанция тайö
Уджалö, буткöдчö сән.

Мöдлапöв берегын кылö
Тракторлөн уджалан гор.
Шыалö кытөнкö ылын
Автомобильной мотор.

„Со, зонмöй, олöмным миян!—
Гоньгöдіс юр Павел дед.—
Оз прöста шуны мем пьян:
Гажнас пö тыр вöльной свет!

Кысь тайö босьтсис да чöжсис?
Та мында выльторйыс кысь?
Кутшöма Коми му вежсис!
Гижан кö, артмас бур висьт“...

„Да, öнi мöдногса олöм,—
Тöдчöдіс том бригадир. —

Удж водзын абу нин полѓм,
Абу нин важ ытшкандыр.

Онi, со, ытшкѓ машина,
Муркѓдѓ страднаса удж,
Сѓмын эн коль ытшканiнас
Весавтѓм бадь куст да вутш.

Кѓн ѓтка олысьлы бурсѓ
Помасьтѓм мырсѓм эз сет,
Сѓнi колхоз лѓптiс юрсѓ,
Сѓн быдѓн озыр и пѓт.

Кѓсiйсны нѓмецъяс торкны
Миянлысь шудлун да труд, —
Эз на тай чег миян бордным,
Эз на тай быр миян шуд!“

Павел дед кайтiс: „Ми ставѓн
Фронтлы сѓк отсасим тан.
Сiдз жѓ ми зiльмѓдчам таво
Тыртны став удж кузя план!“

Бригадир нюммунiс: „Дедѓ,
Некор тѓ уджысь он пов.
Зiльлунтѓ тѓнсъид ме тѓда.
Том на тай, буракѓ, лов.“

„Олѓмыд томмѓдѓ онi, —
Вашмунi дзор Павел дед. —
Сизимдас арѓс кѓть меным,
Ог на ме удж вылад пѓд!“

Збыль, Павел дед вѓли збой на,
Мый кѓть и юрсиыс дзор,

Быдсяма удж пӧрысь сойнас
Муркӧдіс зіля кӧть кор.

Юр весьтын гораа мӧдіс
Жургыны аэроплан.
Павеллӧн долыда петіс:
„Бур тэныд туй, шондібан!“

„Сотчан яг кусӧдны лэбзьӧ,—
Чатӧртіс юр бригадир. —
Вӧр биыд ӧні оз дзевсьы,
Аддзасны пырысьтӧм-пыр.

Гашкӧ и висьысьӧс нуны
Кытыськӧ кӧсйӧ пилот.
Смертьыслы сійӧс не суны,
Ӧддзӧдлас кор самолёт!..

Ставсӧ кӧ сывйыштны синнад,
Сьӧлӧмыд кызди оз пу!
Тырӧма техника выннад
Пармаса войтырлӧн му.

Сьӧд пемыд вӧр дзикӧдз югдіс,
Паляліс шувгысьлӧн ун.
Вӧр пытшкысь, му пытшкысь чуктіс
Шудлункӧд тшӧтш озырлун.

Керсӧ сӧ сюрсьясӧн лэдзам,
Перьям ми нефть да изшом;
Кӧрттуйяс водзӧ пыр вӧчам, —
Важ туйтӧминьяслы пом!

Кӧн коркӧ ошьясысь повлім,
Ӧні сэн юргӧ завод.

Кыпыда, гажаа олө
Пармаын коми народ.

Өні — республика миян,
Абу нин важся уезд.
Шудабсь пармаса пиян,
Сталинөн сөвмөдөм йөз!“

Шондыс лолалө жарөн.
Туруныс мича да кос.
Куртөны, чөвтөны яра
Ас костын ордйысигмоз.

Зиль йөзлөн шойччөмыс вунө.
Некод оз пуксьывлы сутш.
Гажаа, кыпыда муно
Видз вылын өтувья удж.

1946

ШОНДИА ЛУН

Визувтö паськыда, лöня

Югъялигтыр Эжва ю.

Быттьöкö вель эзысь вöня

Пармаса войтырлөн му.

Шондыс сы весьтын ворсö,

Нюмъялö, ёна оз сот.

Ю кузя ветлö да горзö

Вель уна юсь-пароход.

Ва шöртi гöрд рöма флагөн

Кывтöны пур бöрся пур.

Лэдзöма кер коми ягын

Рöднöй страналы зэв бур.

Ю пöлөн — муяс да видзьяс.

Налөн кöзяин — колхоз.

Вадорын юргöны сиктъяс

Öтувйөн уджалігмоз.

Гымалö поездлөн мунöм.

Кылö заводлөн гудок.

Быдторсö аддзан сэн уна,

Сöмын он аддзывлы шог.

Видзöдö Эжва да шуö:

„Со кöнi олöмлөн мич!

Шуд коми войтырлөн туö,

Тулысын тула ме кыз!

Дзоргы кöть ылö, кöть матö,

Бывлань кöть увлань тэ мун,

Быдлаын сталинскöй кадö

Куслытöм шондиа лун!“

ПРАЗДНИК УДЖАЛЫСЬ МОРТЛӨН

Воис кӧдзыд тӧв
Еджыд паськӧма.
Отув уджъясыс
Ставыс эштӧма:
Няныс вартӧма,
Бура изӧма,
Колхоз йӧртӧдӧ
Дзоньнас кисьтӧма.
Коді уджаліс
Бура, лӧсьыда,
Сылы пай вылӧ
Быдтор воӧма.
Сандрӧ Петырлӧн,
Бур колхозниклӧн,
Няныс лӧма
Дзонь кык во кезлӧ.
Сьӧлӧм гажмӧма
Сандрӧ Петырлӧн:
„Оні позьӧ пӧ
Праздник вӧчыштны!“
Тшӧктӧ гӧтырлы
Сійӧ ӧдйӧнджык
Керка мыськавны,
Гӧгӧр пелькӧдны.
Тшӧктӧ унатор
Пуны пӧжавны,
Чӧскыд сӧянъяс
Тшӧктӧ лӧсьӧдны.

Сылӧн гӧтырыс
Керка мыськаліс,
Быдтор лӧсьӧдіс,
Пуис-пӧжаліс.
Ыстӧ-мӧдӧдӧ
Сандрӧ Петырыс
Муса гӧстьясӧс
Корны-чукӧртны.
Гӧстьяс локтӧны,
Гӧстьяс воӧны,
Гажа керкаӧ
Ставыс пырӧны.
Сандрӧ Петырыс
Найӧс ыдждӧдлӧ,
Мелі кывъяссӧ
Налы шуалӧ:
„Локтӧй, пуксялӧй,
Муса гӧстьясӧй,
Мый ме лӧсьӧді —
Энӧй дивитӧй!
Тані ставным ми
Гӧрысь-кӧдзысьяс,
Сиктса олысьяс,
Бур колхозникъяс.
Оні уджъясыс
Миян эштӧма.
Позьӧ миянлы
Праздник вӧчыштны!“

Гѡстьяс ыждавны
Оз и кѡсйыны,
Пызан гѡгѡрыс
Ставныс пуксѡны.
Найѡ сѡйѡны,
Найѡ юѡны,
Оз и увгыны,
Оз и горзыны.
Сямтѡм увгѡмъяс
Бѡрѡ кольѡма,
Вильног олігѡн
Йѡзыс шанъмѡма.
Сандрѡ Петырыс
Муса гѡстьяскѡд
Сѡрни панѡма
Унатор йылыс:
Кыз колхозыслѡн
Уджъяс мунѡны,
Кызди тракторыс
Уджсѡ кокньѡдѡ,
Кыз машинаѡн
Видзсѡ ытшкѡны,
Кызди чукѡрмѡ
Няныс, туруныс.

Найѡ ошкѡны
Мудрѡй Сталинѡс,
Коді югыдлань
Найѡс нуѡдѡ,
Коді ѡтувтис
Сиктса войтырѡс,
Сетис, кыпѡдис
Шуда олѡмсѡ.
Найѡ видѡны
Лѡк буржуйясѡс,
Кодъяс кѡсйѡны
Война ѡзтыны.
Найѡ кайтѡны:
„Враг кѡ уськѡдчас,
Дасьѡсь петны ми
Сыкѡд тышкасьны!“
Гѡстьяс сѡйѡны,
Гѡстьяс юѡны,
Праздник вѡчысьлы
Атьѡ шуѡны.
Сандрѡ Петырлѡн
Сьѡлѡм бурмѡма:
Курыд винатѡг
Праздник артмѡма.

ВИТЯ ДА КАТЯ

Тувсов лунõ муса нывлысь
Витя топõдыштліс ки:

„Вай жõ, Катя, ЗАГС-õ мунам
Да и гижсям тэкõд ми!“

Зонлы Катя вочавидзис:

„Тэкõд гижсьыны ме рад.
Сõмын õнi свадьба вõчны,
Витюк, абуджык на кад.“

Õд колхозной муяс вылын
Эз на кõдзсы ид ни зõр.
Кор став уджыс тайõ эштас,
Сэк и гижсям, сьõлõмшõр!“

Витя думыштіс и шуис:

„Збыль тэ шуан, муса ань.
Тувсов гõра-кõдза дырйи
Свадьба вõчны абу шань“.

Эштіс гõрõм, эштіс кõдзõм.
Труд колхозной вõлі ён,
Жõникислы Катя кайтіс:
„Õнi гижсям, муса зон!“

Нывлы Витя вочавидзис:

„Часлы, нõрõвитам сутш.
Ачyd тõдан, õнi воссõ
Миян турун пуктан удж.“

Аски видз вылõ ми петам.
Сэтчõ колõ уна ки.
Страдна помалам да сэк нин
Тэкõд свадьба вõчам ми!“

Катя думыштіс да шуис:

„Төлка индөд сетін тэ.
Онi празднуйтны кө кутам,
Яналам и тэ и ме“.

Турун пуктісны колхозын —
Уна зорөд лэптіс юр.

Витя кайтіс: „Кывзы, Катюк,
Пуам свадьба кежлад сур“.

Зонлы Катя вочавидзис:
„Водз на пуныд, чайтсьө мем.
Миян водзын, сьөлөмшөрөй,
Уджыд зэв на ыджыд эм.

Колө идравны, тэ аддзан,
Муяс вылысь урожай.
Ноко тайө ыджыд уджсө
Зіля эштөдыштам вай!“

Витя думыштіс да шуис:
„Збыль өд, кутшөм онi пир!
Петам, петам, муса нылөй,
Муяс вылө пырысь-пыр“.

Дружнөй войтыр өтув вынөн
Идраліс колхознөй нянь.
Тэчис сёрөмьясө, вартіс.
Ставыс лон сэки шань.

Катя кайтіс: „Онi, Витя,
Сета тэныд ассьым ки.
Кыпыд лолөн аски кыкөн
Тэкөд ЗАГС-ө мунам ми“.

Нывлы Витя вочавидзис:
„Онi воис миян кад.
Онi, Катя, оз нин торксьы,
Оз нин дзугсьы миян лад.

Уджсө помалім ми бура,
Эгө дышөдчөй ми тап.
Йөзыс кыкнаннымөс ошкө.

Гижсям, гижсям, дона ань!“

Гажа вӧлі налӧн свадьба.

Кык лун помся муніс пир.

Чӧскыд сӧянӧн да сурӧн

Куим пызан вӧлі тыр.

Шуда олӧм йылысь гӧстьяс

Сылыштисны сыланкыв.

Збоя йӧктыштисны сәні

Уна зон да уна ныв.

Свадьба бӧрын Витя мӧдіс

Ичмоньскӧд лэдзны кер.

Тӧвбыд уджалісны найӧ

Ёна зільмӧдчӧмӧн, дерт.

ТРАКТОРИСТ

Фронт вылын танкистөн
Вөлі ме вель дыр.
Өні трактористөн
Уджала ме пыр.

Бура кывзис менө
Бойяс дырйи танк.
Трактор сідз жө өні
Кывзө менө тан.

Муртса рульсө сылысь
Босьтас менам ки,
Вөрзям места вылысь
Грымгигтырйи ми.

Тракторөн мё гөри
Сё кызь гектар му.
Быдмө колхоз йөрын
Зарни ид да сю.

Вундынысө сөмын
Воом няньсө куж.
Вывті муса меным
Трактор вылын удж!

1947

КОЛХОЗНОЎ СЫЛАНКЫВ

Кутшѳм паськыд, кутшѳм мича
Тѳ, колхозноЎ муѳй!
Кыз тї лѳптысяд, шыльквидзад,
Шобдїѳй да сюѳй!

Вына тракторѳн ми тѳнѳ,
Дона муѳй, гѳрим
Да машинаѳн зѳв бура
Радлїгтырїи кѳдзим.

Коркѳ мырсис ѳтка олысь
Кашкигтырїи танї,
Сѳмын шоча-шоча волїс
Сылы пѳтмѳн няньыс.

А со ѳнї идїыс, сюыс
Кызди быдмѳ, кайѳ,
Кызд колхозноЎ паськыд муыс.
Урожайсѳ вайѳ!

Миян быдтор бура чужѳ,
Видзѳдлы кѳть кытѳ.
Миян дружноЎ удж да кужѳм
Ѳта-мѳдкѳд йитѳ.

Быдты няньсѳ уна, уна,
Миян зарни муѳй,
Мед колхозноЎ озырлуныс
Тувсов ва моз туѳ!

ЗАСТОЛЬНОЙ СЫЛАНКЫВ

Мед дзирдалас, ёртъяс,
Пёсь шонділөн бан!
Мед шпоргасны бордъяс
Збой гажыслөн тан!

Быд кийн бокалөн
Рыт колльёдам талун.
А тан миян медводдза тост:
Мед олас сөветской народ!

Свободаалён пиян,
Ми дорйим став мир.
И Армия миян
Вын-эбёсөн тыр.

Боецъяслы чолём!
Страналы бур олём!
Мед йитчас наукакөд труд.
Мед пыр миян дзирдалас шуд!

Бокалъясным тырөсь...
Кызд ёні он сыв!
Зэв миянын зільөсь
Быд ичмонь, быд ныв.

Мед оласны аньяс,
Мич новлысьяс, шаньяс!
Од муса бур аньыд кө эм,
Зэв долыда колльөдсьё нэм.

Бокалõ бокалõн
Тан тоньõбтам ми,
Мед ыпъялõ талун
Быд сълõмын би.

Заздравнõйõс юам,
Мед гаж мяян пуõ,
Мед быдõнлысь пузьõдõ вир
Пõсь дружбаõн котыртõм пир!

1946



Басняте

ГРИША ДЯДЬ ДА КӨИН

Потш кералігөн аддзис Гриша дядь,
Кыз мисьтөм көин личкис сылысь ыжсө
Да ыжлы бокас сатшкис лэчыд гыжсө.

Дерт, Гриша сәні пузис сінисады:

„Ак, адгорш, мый тә вөчан?

Ак, яндысьтөм тә син!

Тә мыйла кусө өсьтукыслысь лэдзан?

Тан тэныд абу бальө начканін!

(А көин ыжлысь горшсө йирө

Да пиньнас пыдөджык на пырө).

Ой-ой, эн вөрзөд, муса зонмөй, эн!

Бур сямьд тэнад көн?

Тә мыйла ловъя ловсө пөдтан?

Эн, дона көин, дур.

Мун мукөдлаө корсьны кынөмпөттө

Да балюкөс эн пур!

(А көин косялө нин коньөр ыжлысь кусө

Да пөсь вирьяйнас лякөсьтө съөд мусө).

Ой-ой! Ой-ой!
Эн ставнас сэй!
Тэ збыль тай вёлөмыд рөзбой!
Ме та бõрын ог казътив тәнõ бурõн,
Пыр понда тәнõ шуны вõрса шыш!
Мед тәнуд эськõ вõйны кõнкõ нюрын
Да шõрипõв мед чегас тәнад мыш!..“
Дыр тадзи Гриша кõин водзын бовгис
Да лэдзис чорыд сõt.
А кõин ыжсõ помаліс да довгис,
Дзик голяõдзыс пõt.

Ме эськõ вõйи кодлыскурõ
Со кутшõм индõд босътны юрõ:
Куш больõдчõмнад нинõм сән он кер,
Кõн колõ шы да чер.

1934

ПЕДЬӦ ДА РӦДЬӦ

Кык морт,

Кык ёрт:

Колхозник ПедьӦ

Да ӱтка олысь Рӧдьӧ

Тшӱтш пуктисны пу доддьӧ пила-чер

Да мӧдӧдчисны вӧрӧ лӧдзны кер.

Бригадаӧ сэн пырисны кыкнанныс

Дай тӧдмалісны, кутшӧм налӧн мог

Да ыджыд-ӧ вӧрлӧдзан уджлӧн планыс

Да баракъясад гажа али шог.

Мӧд луннас Педьӧ кутіс шуны:

„Тан, Рӧдьӧ ёрт,

Дзик бытгьӧ горт,

Шыд-роктӧ оз ков весиг пуны,

Чай, сахар, табак — ставыс дась.

Кӧть нэм эн петав эськӧ тась!

Дай оланіныд тані кыпыд, шоныд.

Гӧрд пельӧсад вель уна книга эм.

Сэн лыддысям кӧ тӧкӧд, вермас лоны,

Мый миян югдыштас юр вем“.

Став вынсьыс мырсьӧ Педьӧ,

Дас кубометрӧн муркӧдӧ быд лун.

А ӱтка олысь Рӧдьӧ

Оз Педьӧ туйӧд мун.

Быд асыв сійӧ сёрмӧдчӧмӧн чеччӧ

Да юӧ чай да нюжмасьӧ час-мӧд.

Оз жалит кадсӧ видзны сӧтчӧ,

Кызь витысь куритчытӧг удж вылӧ оз пет.

„Мем, — шуё, — тэрмасьнысё нинём.
Мем зептё некод зарнисё оз кисьт.
Дай ёнасё ме тільсьыныд ог лысьт:
Пыр мыйкё висьё кынём
Дай юкалыштё кок,
Кор поводдяыс лёк“.

Эз вермыв сійё вочны оти лунё
Кык кубометрысь уна,
Котъ збыльвылосё вөлі көрт кодъ ён
Дай чужёмбаныс гөрдөдөма — дон.
„Тэ дышөдчан тай, Рөдьё, —
Сідз отчид сійёс дивитыштіс Педьё. —
Оз шогмы вөрны лёльёяс моз тан.

Быть колё тыртны वोся план“.
„Ог аслым уджав! — Рөдьё шуис скөра. —
Мый меным пелсөдлыны сой.
Ме быдтор надзөникөн кера,
Мед сөмын коляс лун да вой!“

„Да кывзы, Рөдьё, дорам ми выль олём“...
„Ог кывзы нинёмтор

Дай тэнсьыд, Педьё, индөдьяс ог кор!
Ме ачым төда, овны кызди колё.
Тэ ме вылө эн во.

Сэсь тэныд бур оз ло!“
„Тэ кывзы, кывзы“, — Педьё кайтіс бара
Дай көсйис висьтавлыны ставсё гөгөрбок.
Но Рөдьё мөдысь крапкис яра:

„Ог кывзы тэнё, ог!
Тэ мукөд водзын небыд парнад чупкы,
Мем тэкөд сёрнитнысё дыш!“

Тадз шуис, сэсся пельсё ассьыс тупкис
Дай вөрсьыс регыд пышйис, быттё шыш.
Мый тавыс артмис, позьё төдны.
Эз босьтлы Рөдьё нянь ни сьём.
Эз лёсьөд аслыс пась ни көм.

Эз понды пышъялігас кынӧм сылӧн пӧтны,
Дзик лои быттӧ бордтӧм чикышкай
Дай бурсӧ государстволы эз вай.

Кык норма вӧрын Педьӧ тыртис
Дай босьтис уна сьӧм да мукӧдтор.
Ударник пӧвстӧ ачыс асьсӧ пыртис
Дай кӧсйӧ тадзи уджавны кӧть кор.

Кӧн Педьӧ сяма войтыр уна,
Выль олӧм сәні ёнмӧ лунысь луно.

Кӧн Рӧдьӧ сяма йӧзыс эм,
Сән налысь колӧ югдӧдны юр вем,
Мед помасяс лӧк пемыдлулӧн нэм.

1933

КОЛХОЗНИК МИТРОПАН

Колхозо пырис Митропан
Дай омоль сёрнияс эз пан.
Пыр долис: „Ладсö оз ков дзугны
Да сёянторсö бура колö юкны,
Мед быдөн лоас пöт
Дай тшыгъялöм оз тöд!“
Прöдукта сеталигөн горзис сийö яра:
„Мем колö нянь, мем колö сов,
Мед пöтас менам лов!
Тi, гашкö, ладсö дзугны кöсьяд бара?
Тадз, ёртъяс, уджавны оз позь.
Ме ачым ёсь
Дай лэпта дзугысьяскөд кось!“
Му гөрöм-көдзöм водзын заводитис зiля
Колхозса войтыр пöвстын жöдзны Митропан:
„Тэ кылан, Ваньö, кылан, Пиля,
Ми кыксё прöчент вылö тыртам кöдза план!
Соцордйысьöм ми муяс вылас восьтам
Да ладсö лöсьöдам, мед пузяс миян вир.
Ударной норма серти сёянторсö босьтам
Дай петам гөрны пырысь-пыр!“
Ударной норма складысь гортö вайис
Дай шуис шпыннялигтыр выль ударник-дядь:
„Ме кодьюра кöть садь,
Пыр ошка тэнö, колхоз-бать!“
Тадз шуöм бöрын пöлать вылö кайис
Да куйлис дас кык лун,
Му гөрны эз и мун.

Кык төлысь мысти сиктса йөзлы воис
Зэв тәрмәсяна турун пуктан кад.
Ударной норма Митрөпан дядь сөйис
Дай бара кутис корсьны ассьыс лад.

Колхоз правленьеысь оз петав,
Пыр тоньгө юралысьлы: „Кывзы менө, зон,
Тә войдөр няньтө унджык сетав,
Мед ми вок уджалысьыд лоас збой да ён.
Тә ачыл, дона ёртөй, төдан:
Тшыг вөлыд сөөдтөг оз гөр
Дай корө бурджык зөр.

А вөлыдлы кө зөртө горшас лөдан,
Сэк, муса вок,
Зэв чожа ветлө сылөн кок!“

Колхоз правление ытшкысьяслы лэдзис
Нянь норма, шыдөс, сакар, чай.
Кыз колө вөчны, сідз и вөчис.
Тшөтш Митрөпанлы сюрис пай.

Дась сетөм няньсө сийө кутис көтны,
Но страдна чөж эз вермыв гортысь петны:

Кор висьө мыш,
Кор висьө юр,
Кор сылы пыж
Оз некысь сюр.

Кыздз сәсся видзьяс вылө вуджан
Да пуктан вын ударной уджын?
Эз ытшкыв, куртлыв Митрөпан,
Эз гожьяв сылөн чужөмбан.

Нянь идралігөн зіля куйліс сийө,
Колхозлысь мырсьөмсө эз төд.

Пыр вөлі паччөр вылын төрөканөс кыйө
Да лудік вылө лэдзө уна сөт.

Ар бөрын төвся көдзыд воис,
Дыш Митрөпанлы лой мат.
Медбөръя шөрөм сийө сөйис

Да бара петіс корсьны лад.
„Нянь юкан плансö, ёртъяс, энö дзугöй!—
Ёсь гөлс лэптис Митрöпан.—
Быд членлы öтмындаон сёянторсö юкöй!
Зэв лада тайö план!“
Сэк шызис-гызис став колхозник котыр:
„Эн бöбöд, зонмö, шань!
Тэ паччöр вылын куйлн, быттьö кань.
Колхозсянь оз ло тэныд нянь!
Тэ, Митрöпан, медыджыд лодырь!
Колхознöй удж вылын эз пессыв тэнад сой.
Тэ эн кö уджав, он и сёй!“

Дыш мортöс он кö чорыдджыка велöд
Да он кö чырышт да он öлöд,
Пыр коляс сійö дыш
Дай удж вылын оз копырт ассъыс мыш.

1933.

СИЗИМУР ДА ГАЙКА

Колхозник Якӧ

Тшак вотны ветліс ягӧ

Да ӧктіс рыжик куим гоз.

Сэсь гортӧ локтігмос

Пыр ропкис: „Лёк жӧ сямьд тайӧ туйлӧн!

Со кутшӧм няйт! Он таті ӧдйӧ тюр!“

А видзӧдлас да, куйлӧ

Туй шӧрас деньга—сизимур.

„Ак,— сувтіс Якӧ,— босьтны тайӧс лоас!

Кӧть сизимурыд вывті ичӧт сьӧм,

А век жӧ кӧрӧб истӧг шедас мем.

Дерт, этша барыш татысь воас,

Но кольны аддзӧмтор оз позь.

Мый тэныд сюрӧ, сійӧс босьт!“

Тадз шуӧм бӧрын сизимурсӧ лэптіс

Да суйис зептас,

А сэсся, зепсӧ кутігтыр,

Туй кузя водзӧ муніс пыр.

„А тайӧ мый нин?— бара сувтіс Якӧ.—

Мӧд, гашкӧ, сизимур? Да часлы... Тьфу, лешак!

Тан куйлӧ гайка, няйтӧн лякӧм,

Кыз быттьӧ ыргӧн юра гаг.

Тан неважӧн на трактор вӧлі кылӧ.

Дерт, сідзкӧ, тайӧ гайка сьлӧн.

А усьӧма кӧ, абу меным шог.

Ӧд трактористлӧн тайӧ мог!“

Эз сэсся сәні Якӧ мӧдтор бовгы,

Эз лэпты гайка, гортӧ довгис.

А тайо вошом гайка всна дзик
Колхозной трактор сулалис лун кык.

Көн гөгөрвотомъясыс эмось
Да налн омоя ко уджало юр вемыс,
Сэн медся лоас бур,
Кор налы югдодыштан юр.

1941



Челядлы стихыс

ПОТАНДОРСА

Шонді суніс тшөкыд ягө,
Дыр оз лэптысь бөр.
Өввө, өввө, дона кага,
Менам сьөлөмшөр!
Мый көть пемыд, оз ков повны,
Шуа тэныд ме.
Ичөтысянь повтөг овны
Велав, дитюк, тэ.
Синтө кунь да кывзы менө
Ойбырасигтыр.
Миян вольной муын öнi
Йөзлөн шуд оз быр.
Тайө шудсө вына киөн
Дорам ми быд лун.
Өввө, өввө, муса пий,
Чөскыд тэныд ун!
Мудрой Сталин тэныд сетіс
Татшөм оландыр.
Челядь вөсна сылөн төждыс

ШКОЛАЫН

Талун, вокöй, меным лои
Мунны школа öшинь увтi.
Кор ме школа весьтö вои,
Восьса öшинь водзö сувтi.

Уна челядь вöли сэнi—
Ставныс шаньöсь, шыльыд юра.
Ачыд тöдан, найö öнi
Овны велöдчöны бура.

Тöдан, вокöй, тайö школа
Пемыд йöзлы — югыд шондi!
Гажөн тыри менам лолöй,
Кор ме кывзыны сэн пондi.

Гижöм вöли налөн мунö:
Быдөн кутö кias перö,
Быдөн гижö мыйкö уна,
Перö кокныдика вөрö...

Сэсся велöдысьыс шуис:
„Тöдны школьникъяслы колö,
Кытысь лои, чужи муыс,
Кодi, көнi, кызди олö!“

Кутiс висьтавлыны сийö...
Дыр ме сулалi да шензи.
Татшöм тöлка морткөд, пийö,
Ми вок, буракö, он вензы!

Сэн ме кылі, вокй, кызди
Муыс шонді гөгөр ветлө.
Ентөг артмөма пө сідзи.
Енмөс ыдждөдлыны петлө!

Сэссия кылі, төдны понді:
Көні лымйыс во чөж усьө,
Көні би моз сотө шонді,
Битөг сёянторйыс пусьө.

Көні эмөсь ыджыд карьяс;
Көні миян моз оз овны;
Көні озырьяс да царьяс
Вирсө кисьтны оз на повны.

Унатор ме кылі, вокй,
Унатор ме төда өні.
Эз и мудзлы эськө кокй,
Көть ме рытөдз олі сәні!

1919

КУИМ ДРУГ

Геня, Славик да Серёжа,
Куим школьник, куим друг,
Тондзи шулисны, мый некод
Налысь дружбасо оз дзуг.

Отчид мододчисны найо,
Гожся лунсо коллигмоз,
Модлаповса видзьяс выло
Вотны сэтөр либо оз.

Видзьяс вылын тайо кадо
Некон ловья морт эз вов.
Сулалис сэн уна зород.
Ворси турунчирон тов.

— Страдна эштис, — шуис Геня. —
Эз и кыссы сийо дыр.
Эстон, кони джуджыд сёныс,
Юрьяс кыскалі ме пыр.

— А ме курти, — кайтис Славик:—
Буретш тани, кывзы, Геня.
Сысь пасйисны колхозад
Меным кызь кык трудовень.

— А ме таялі дас зород,
Турун, тодомысь, оз под,—

Шуис ёртъяслы Серёжа,
Сэсса содтис мунан ёд.

Ёдйё осьлалісны водзё
Куим школьник, куим друг.
Зорёдъясьянь налы паныд
Тёлыс вайис чёскыд дук.

Небесаын ломзис шонді,
Би кодь югыд, би кодь гёрд,
Жарён лолалё да дзирднас
Окалё став видзлысь эрд.

Славик индіс:— Эстысь, сёнсьыс,
Озйыд сюрлывліс нин мем,
А со сәні, васёдінас,
Уна зэв сьёд сәтёр эм.

Геня сылы вочавидзис:
— Медся муса меным оз.
Сійёс зіля мёда вотны,
Тырта чукойён ассьым доз.

Юрнас пыркнитіс Серёжа:
— Да и сәтёрыд зэв бур!
Сійёс сакарён кё пуан,
Сыысь чёскыдыс оз сюр...

Тайё здукё омоль делё
Қазялісны куим друг:
Оти зорёд йёрё пырис
Уна мёс да уна кук.

Найё мутшкёны кос турун,
Орёдёны зорёд кок.

— Дерт жѳ, пырасны, — Генъ шуис, —
Дзонь кык прасла пѳрѳм со.

Гѳгѳр видзѳдліс Серѳжа:
— А мѳс видзысьыс нѳ кѳн?
Гашкѳ, водѳма да узьѳ
Кѳнкѳ кустъяс улас сѳн...

Эз дыр думайтны том войтыр:
Быдѳн босьтис киѳ нѳр.
Скѳтсѳ вѳтлалісны ставсѳ,
Но кыз потшны зорѳд йѳр?

Кинас шеныштис Серѳжа:
— Ог жѳ воштѳ тані лун!
Вайѳ вотчанінад мунам,
Менам, ѳртъяс, татшѳм дум...

— Кыз нѳ мунам! — пузис Славик. —
Он мѳй гѳгѳрво, он тѳд:
Зорѳдсѳ кѳ тадз ми колям,
Нѳшта уна локтас скѳт.

А ѳд туруныд колхознѳй,
Сійѳн вуджны колѳ тѳв.
Ми кѳ ставным татысь мунам,
Сѳки омѳль лоас тѳлк.

— Дерт жѳ, сідзи, — шуис Геня. —
А мый вѳчны вермам ми?
Миян сѳѳрысь абу черным,
Сідзнад потшѳстѳ он йит.

Аслас ѳртъясыскѳд Славик
Лишнѳй сѳрнисѳ эз пан,

А зэв дженъдыка налы
Висьталіс, мый вѳчны тан:

— Кывзы, Геня, ѳдйѳ-ѳдйѳ
Гортѳ котѳртлы тѳ бѳр,
Пыр жѳ мортѳс татчѳ вайѳд
Потшны тайѳ зорѳд йѳр.

А Серѳжалѳн да менам
Тані ѳти лоас мог:
Видзны скѳтысь турун зорѳд,
Кытчѳдз корѳм морт оз лок.

Сѳтчѳ содтыштіс Серѳжа:
— Тѳнад, Геня, кокыд чож.
Тѳв моз лѳбзы! Аски вотчам!
Сѳтѳрыд ѳд оз на вош...

Муніс Геня, а збой Славик
Да Серѳжа сѳні пыр
Видзисны колхознѳй турун
Кыпыд песня сьылігтыр.

Коркѳ рытнас сѳтчѳ воис
Том колхозник, тѳрыб зон,
Сылѳн уджыс регыд ѳштіс,
Потшѳс лои ѳнысь-ѳн.

Долыд вѳлі куим друглы,
Ворсіс сьѳлѳманыс би:
— Мед кѳть сѳтѳр воттѳм лои,
Зато зорѳд видзим ми!

ДЗОЛЯ ЧЕЛЯДЬ

Дзоля челядьон ми шусям.
Муса миянлы детсад.
Сэн ми олам, ворсам, узям,
Гажа колляламõ кад.

Гожся лунõ, шоньд лунõ,
Сыланкывъяс сылигтыр,
Ставон гуляйтны ми мунам
Да и гуляйтам зэв дыр.

Ветлам паськыд муяс вылõ,
Видлам, кызди быдмõ нянь.
Шептыс съõктаммõ кõ сылõн,
Ставыс лоас сэки шань.

Лэччылам и Эжва дорõ,
Сэни уна-уна цвет,
Нетшкам алõйсõ лõз сорон,
Вõчам мичаник букет.

Вõрын кисьмõ чõскыд озйыс,
Сэтчõ уськõдчам ми пыр.
Озсõ вотам õтув дозйõ,
Кытчõдз дозйыс оз ло тыр.

Гуляйтам ми кыпыд лолõн.
Татшõм гажыс дыр оз вун.
Садйын долыд миян олõм,
Он и тõдлы, кольõ лун.

ОГЛАВЛЕНИЕ

Стихотворения

Мед дзирдалас шонді	3
Талун некодлөн оз вун (<i>Сталин ёртлы 60 арёс тырём кузя</i>)	5
Могучёй Сёветскёй Союз	7
Зарни Москва	8
Славной столица (<i>Москвалы 800 во тырём кузя</i>)	10
Сталинград	12
Победа лун	14
Геройлөн гортё воём	15
Мирной труд	17
Ленинградлы вочакыв	18
Перзوماйскёй	20
Коми муын	21
Миян сыланкыв	23
Вёрлэдзысь	24
Колхозной асыв	26
Коми му	29
Кылөдчысьяс	32
Кывтё вёр	34
Видз вылын	36
Шондіа лун	41
Праздник уджалысь мортлөн	42
Витя да Катя	44
Тракторист	47
Колхозной сыланкыв	48
Застольной сыланкыв	49



Басняс

Гриша дядь да кѳин 51
Педьѳ да Рѳдьѳ 53
Колхозник Митрѳпан 56
Сизимур да гайка 59

Челядьлы стихъяс

Потандорса 61
Школаын 63
Куим друг 65
Дзоля челядь 69

Художественное оформление
М. П. БЕЗНОСОВА



~~25295~~

Редактор Г. Федоров.

Техн редактор И. Оплесник.

Ц03182. Заказ № 1973. Тираж 3000 экз. Печатных листов 2,25. Учетн.-изд. листов 2,25.
Подписано к печати 18/XI-1949 г. Цена в простом переплете 4 рубл.

Отпечатано в типографии Коми АССР, г. Сыктывкар, Дом Печати,



Доныс 4 шайт